

OHR i OSCE osudjuju prijetnje novinarima u Livnu

Ured Visokog predstavnika i Misija OSCE-a u Bosni i Hercegovini izrazavaju duboku zabrinutost povodom uvredljivog letka, koji se prošle sedmice dijelio na području Livna. Tim letkom se vrijeđja i ličnost i djelo glavnog i odgovornog urednika nezavisne radio stanice "Studio N", Frane Mioca, kao i jednog od novinara te radio stanice, Zeljke Mihaljević.

Pamfletom se ova dva novinara optužuju da su "bijedni placenici", koji isključivo rade iz finansijskih interesa, "pljujući i bljujući po svemu što predstavlja hrvatske legalne vlasti u Livnu."

Ovaj uvredljivi pamflet predstavlja nastavak prijetnji čiji je cilj opstruiranje uspostave slobodnih i nezavisnih medija u Kantonu 10. "Studio N" je jedina nezavisna radio stanica u području Livna, visoko cijenjena među novinarima i građanima, zbog svog nepristrasnog, izbalansiranog i tačnog izvještavanja. Na stanicu su i prije vrseni politički motivisani pritisci, koji su kulminirali marta 1999. godine, kada su nepoznati napadaci brutalno pretukli supruga g-dje Mihaljević. Kao i ostali mediji u sredinama u kojim dominiraju politički tvrdolinijasi, ova stanica se često mora sama odupirati ozbiljnom i upornom zastrašivanju i prijetnjama.

Slobodan rad novinara je jedan od najvažnijih elemenata u procesu demokratizacije društva. Ovaj pokušaj zastrašivanja predstavlja otvoreni napad od strane onih političkih faktora koji još uvijek žele vladati putem straha, nasilja i konspirativnosti.

Da bi BiH postala član Evropske zajednice, ona mora pokazati svoju odlučnost da zaštiti ljudska prava i prava novinara. Oni koji samoinicijativno, ili u ime političkih organa ili organa

vlasti, uskracuju slobodu izrazavanja novinarima i gradjanima, lisavaju BiH njene buducnosti kao demokratske i prosperitetne drzave.

OHR i Misija OSCE u BiH pozivaju politicke lidere u Livnu, odnosno HDZ, da nam se pridruze u osudi takvih djela, cime bi pokazali svoju oprijedjeljenost pravdi i pomirenju.

Takodje od vlasti u Kantonu 10. trazimo da izvrse istragu u cilju utvrdjivanja porijekla ovog letka.